

Ar wrek laour **La lépreuse.**

Ar wroek yaouank a levere
De mamek paour eun de a we :
— ma mamek paour di me leret
a me so clan gant ar clenvet,
a me so clan gant ar clenvet
so hanvet laournes arajet ?
— Oh ! ia, ma merc'h, clan a hoc'h sur
n'en kemeret ket en displijadur.
— Ma mamek paour, dime leret
ac e mes ma bro a vin kasset ?
— oh ia, ma merc'h, hep lacat mar,
savet o vo doc'h eun ty douar ;
Bars en creis eur c'hoat a vo savet
lec'h na neus na tud na loëned.
— Ma vije bet bolanté Doue
Bean roët eur clenvet all dime !
me na vijent ket deus ma bro kasset
lec'h na voëljent na tud na loëned.

— ma mamek paour mar en keret
En bord al lan din vo savet,
Savet din ma zi en bord al lan
War vord an hen a ia da janjan
Ewit ma voelin ma broïs
E vont tresek jan jan ar bis.

Ar wregek paour a levere
Da vicherourien he zi neve :
— Micherourien ghès, oh me ho ped,
ma frenest an tu cle a lekfet
a lekfet ma frenest an tu cle
ma voelin ma heuriou pa vo de.

— Ma mamek paour mar em keret
hant da diriou ganen chomfet ;
chomet ganen han da tri de
ken a vin kasset dam zi neve.

Ar wrek yauank a levere
 War he zreuzo warben an tride :
 — Me a voël arri kroas ha banier,
 arri int da gaç anon der gher,
 da gaç anon d'em c'her divezan :
 me a sant ma c'halon a rannan. — (1)

Ar wrek yauank a levere
 d'er messaer denvet seis vla goude
 biou d'he frenest pa dremene :
 — Messaer denvet, dime leveret
 ha c'hui a war neventis ebet ?
 — me na noun netra a neve,
 mert ho pried eureujer hirie ;
 a panevert a c'hoc'h klanvoures
 me moa groet dec'h eur c'harlantes.
 — groet ho karlantes pa gherfet
 gant joa vras a vezo kemeret,
 hac he groet hu din gant greun koular.
 Karghet e ma c'halon a glac'har.
 Messaer denvet mar em c'heret
 gret ma gourc'hemenou d'em fried
 Leret dean anhan' Doue
 kat soign demeus ma bugale.

Ar messaer denvet a levere
 d'an ozac'h a eured d'abardae :
 — abiou al lan p'hon tremenet
 ghourc'hemenou widoch e meus bet
 Eur gourc'hemenou e meus bet
 da diaç dac'h diant ho pried.

An ozac'h eureud pa neus clevet
 Ter gwerc'h d'an douar a so coët
 Gant ar messaer a he savet.
 — Otrou Doue, salver er bed
 Me sonje wa maro ma fried
 seis vla so he de zi kasset
 me sonje ganen a (2) wa marwet.
 Mes fenos en goële na ghouskan
 ma nime d'he goelet da ghentan. —

Ar wrek a eured a levere
 dan ozac'h a eured vel m'en cleve :
 — Chomet er gher gant ho yec'het,
 clan e gant al laournes arajet.
 — A pa ve clan gant ar gounar
 me iel d'he goelet d'he zi douar.

An ozac'h a eured a levere
 Tal en ti douar pa narie :
 — Ma fried kher diorret ho tor
 Arri hon aman da c'houl dior.
 Arri hon aman wit ho koelet
 me eo ho mignon hac ho pried.
 — An hor man na ves ket digorret
 Boe ma hon aman gant ar c'hlenvet,
 Dispennet hon oll gant ar c'hlenvet
 ha ma dor dac'h na diorrin ket.
 — A pa vec'h klan gant ar gonar,
 diorret din ho ti douar
 me renko mont en ho ti douar.

Na voa ket e c'hir perachuet
 An hor en ti a neus tolet
 En kerc'hen he bried e lampet
 ewiti da vean dispennet
 Tapet en deus ive ar clenvet
 ha prest goude ho daou int marwet
 ho zi warne so bet diskaret
 ha dindannan int bet interet.

écriture de Kerambrun.

*Une traduction française de ce texte
 se trouve aux rectos des folios 111, 113, 115 et 117.*

Aux folios suivants, au haut de la page, seulement des titres :

112 recto : ar wrek laour 2.

114 recto : ar wrek laour 3.

116 recto : ar wrek laour 4.

Rien aux 111, 113, 115 et 117 versos.

(1) Ce vers écrit dans l'interligne supérieur, remplace un autre complètement barré et illisible.

(2) a a été ajouté, par suite de la correction de decedet en marwet.